

L' ITALIA IN AFRICA

Poesia in dialetto Romagnolo

L' Italia le una gran nazione!
ma iè una gran disperazion . . .
Da pu quand che l'italien
is bat contra l'africhen
a em arduitt una miseria
da per tutt cle una farseria.
Colla solita fandonia
da riffes colla colonia
a finirem alfin di euit
per armètt al pez e l'uit.
I sarà quateh africanista
chim darà de pessimista,
ma però sta profesia
cridi pu e ne roba mia
a ne giur d'amigh d'onor!
i la det di senator
chià savid e herba bianca
stulle è pratica an imbecca.
Chi ordinò cla spedizione
e fu tre quattre person
dies an fa te parlament
giudiched i più sapient;
ades povreit i ne piu viv,
ma l'interes e fu cattiv . . .
I mandò occupè cla tera
se consens d'Inghilterra!
in refflettì pu tant avèut
in paradis dispet di sent
sle cuntent each Gesu Crist
in ogni mod a si mel viet!
Si la fat per na conquista
per lo più le tera trista
tutta sabia o tutt montagn,
a ni po es un gran guadagn
E pu chi spunta i su calor,
che d'insteda a te fusor
e scota al teri in tutt i legh
comè al bisteccchi sara e fogh!
chi brev omne in conseguenza
ià vu poca previdenza . . .
Ma iè mort. . . *requiemetenne!*
ragionamma de governe
attualment se ben la fat
andè Adna, Adignat,
a Coatit, a Senafe,
a ciapè tutt e Tigre
Dop anded spes i quattrein
convenimma chià fat bein . . .
a massacrè tenti miglion
per ciapè sol de sabion
la saria stà da pataloch
da mîneistre chin sa poch!

Mi Tigrein la fat la guera
perchè i sa che la su tera
la da in rem d'agricoltura
e caffè, e coton, la dura.
Da principie chi moreitt
i tneva dur i su direitt,
prima d'zed i su paes
da per tutt i se difes,
ma dop chià trov la su rason
scritta in bocca de cannon
i se avvie planein planein
fu chià arriv a se confein.
I la d'ottobre a Debra-Ailèt
Mangascià litt e brodett,
lu e fuggi che fu vigliach
e lasciò ma Cagnasmach
te pastroc e l'imbaraz
che fu ferid povrom tum' braz
per difend i la i su post
e restò tel men di nost.
Quest e fu l'ultima vittoria
se voielt avl memoria
dov ches fec un gran onor
e por Toselli e nost maggior.
Dop d'Italia la gran stera
scintilenta, rossa, bela
las fec pallida, sbiavida
e cambiò tutt la partida;
E ven è fat d'Amba-Alagi
da ogni chèn i fu del stragi
per i nost e fu più brutt
iera in poch i fu distrutt:
Am dirt in poteva salves?
no! an iera mod da sgavagnes!
do personi contra veint
si fuss leon, si fuss serpeint
dop sei ori chi combat
bsò chi faza e fejn chià fat!
Sentì un po com la è stèlla
sta battaia sventureda:
e fu ai set de mes d'Brumma
in temp d'guerra com costumma
Toselli e diès che un peloton
e fuss andè in ricognizion . . .
L'andò Ricci up capiten
ma però poch da lonten
davicin at chel valanghi
vicina e legh Ascianghi.
E ved i la sangue de boia!
tutt l'esercite de Scioa
accamped t'una pianura!
i tornò indietre addiritura



a raccontel a me maggior
 com' era mes tutt e lavor.
 Se povrom l' aves capi
 com l' aveva da fini
 e di dop si su soldè
 vliv can sfussa ritirè ? . .
 Ma e corag ca n'era senza
 ei consigliò la resistenza.
 Ed in fat appena giornè
 s'iacosteva già d' intorne
 una turba d' cla marmaia
 a fer d' caval com una tnaia.
 Quand i fu arriyat a tir
 e gunfeva lu at chi nir
 Angherà con chi sufflet
 ma cosa vliv! . iera tent fitt
 più an butteva gamb da mont
 e più a vpi sotto iera pront.
 Iv mai veist t' un cul d' arvora
 Un formigher a scapè fora?
 più tan maz a più tan brus
 e più an scapa meda e bus?
 A vo trov un bel confront;
 Iafrichen fasi d' un cont
 iera una spec i la at chi post
 al Amba-Alagi contra i nost.
 Eppur ! domella d' Italian
 una pulsa d' per d' un chen
 contra i murr in proporziou . .
 da la gran disperazion
 con tutta forza, con furor
 e se battù per sei set or
 all' ultime sangue al ultima stilla
 contra vent o trenta milla !...
 Ins poteva più difend
 ma in se miga volù rend
 quand l' affer e se fat brutt
 i se tolt a mori tutt!...
 Se fu questa una sconfitta
 per i nost, la sarà scritta
 eternament sora la storia
 per valor una vittoria.
 I Scioen appena vint
 i ven aventi i se spint
 fina sotto Macalè
 i la subit assediè.
 Macalè le una fortezza
 in natura d' na bellezza,
 an niè tent omne e tent cannu
 come ti fort i qua da nouu;
 i nost i n'èva quattre pezz,
 un battaion, un po d' atrezz
 da fe al menì sotto tera

e con quest ia fat la guerrà.
 I murr ià de set ot asselt
 ma le un fort ele post in elt
 e diffes da un brev maggior
 con di soldè ca de valor
 i na n' a masa sgabanè
 e in la mai potù ciapè!...
 Sin iavessa tolt la fonta,
 chies vu l' acqua sempre pronta
 tutt i pas e Menelik
 si ciameva anche Barlich
 tutt i diavul chie tl' Inferne
 in eggreva mai in eterne !
 A so chià za capitolà
 gran arvena la ne ste
 bastaria Italian
 chis putessa bat te pien
 magari onb t' una colleina
 t' santirè te chi stupena ! ! . .
 con chel sorbi! con chel peri!
 cla at chi zuffe Baratieri ! ! .
 Le che i nost tli su montagn
 in po vinz sis mett a piagn!
 si fuss enca d' usent milla . .
 a rampè tent elt i quella . .
 e lor iè nad at chi sitaz
 i va su l' istess di raz . .
 Ades i nost iè trenta miera
 indiauled chi vò fe guera
 contra i murr chiè ottentamilla
 però quest e ve dis Villa :
 se lor is porta su terrein
 ma Baratieri chei sta bein . . .
 ei taca subit, ei taca fort
 e chi sa quant chi sarà i mort.
 Ma pntost che andè fe i cont
 con Menelik a ti su mont
 l' occuparà cli posizion
 do che po dovrè e cannon.
 Qualdun in dis com la andarà
 quest i que pu chi lo sa!
 o prest o terd se lor is bat
 a sarò pront a div e fat.
 Per ora a no più nient da di
 neniz però chiava fini
 andand aventi sa so viv
 tropa roba avrò da scriv ! .
 Intent ades av dagh sta storia
 quel ca ho dett tnel in memoria
 a vidri ca ho sbaiè poch
 e sa cridi dem un bajoch.

C. V.